

МАЯГТ ОУИТЭС-1-Г НӨХӨХ ЗААВАР

Ашигт малтмалын олборлолт эрхэлдэг аж ахуйн нэгж тайланг гаргахдаа энэхүү зааврыг баримтлана.

Ашигт малтмалын олборлолт эрхэлдэг аж ахуйн нэгж тайланг маягтаар үнэн зөв гаргаж дараа оны 2 дугаар сарын 15-ны дотор Ашигт малтмалын болон Цөмийн энергийн асуудал эрхэлсэн төрийн захиргааны байгууллагад аудитаар баталгаажуулан, нийтэд мэдээлсэн тайланг ирүүлнэ. Ашигт малтмалын болон Цөмийн энергийн асуудал эрхэлсэн төрийн захиргааны байгууллага 3 дугаар сарын 1-ний дотор Олборлох үйлдвэрлэлийн ил тод байдлын санаачлагын ажлын албанд маягтаар ирүүлнэ. Олборлох үйлдвэрлэлийн ил тод байдлын санаачлагын ажлын алба 3 дугаар сарын 15-ны дотор Үндэсний статистикийн хороонд нэгтгэлийг аж ахуйн нэгж, байгууллагаар цахим хэлбэрээр ирүүлнэ.

А. ХАЯГИЙН ХЭСЭГ

- Аж ахуйн нэгжийн хуулийн албан ёсны нэрийг бичиж, регистрийн дугаарыг тавина.
- Аймаг, нийслэл, сум, дүүргийн нэр, аж ахуйн нэгж, байгууллагын хариуцлагын хэлбэр, өмчийн хэлбэрийг үнэн зөв нөхнө. Татварын албаны нэр гэдэгт татварын байгууллагын татвараа төлдөг аймаг, нийслэл, сум дүүргийн нэрийг бичнэ.

Б. ҮНДСЭН МЭДЭЭЛЭЛ

1. Ашиглалт болон хайгуулын тусгай зөвшөөрлийн мэдээлэл

Тусгай зөвшөөрлийн мэдээллийг ашигт малтмалын нэр төрөл бүрээр гаргах бөгөөд багана 1, 2, 3-ыг тусгай зөвшөөрлөөс авч нөхнө. Багана 4-д тухайн ашигт малтмалын ордын оршиж байгаа аймаг, нийслэл, сум, дүүрэг болон газрын нэрийг тодорхой бичнэ. Хайгуулын тусгай зөвшөөрөл давхар эзэмшдэг бол хайгуулын тусгай зөвшөөрлөөр хайж байгаа ашигт малтмалын нэр, талбайн хэмжээ, олгосон огноо, ордын оршиж байгаа аймаг, нийслэл, сум, дүүрэг болон газрын нэрийг бичнэ.

2. Бүтээгдэхүүний үйлдвэрлэл, борлуулалт, туршилтын олборлолт

Тайлант жилд жинхэнэ болон туршилтын журмаар олборлосон болон борлуулсан бүтээгдэхүүний нэр төрлөөр зааж зохих мөрөнд бичнэ. Үйлдвэрлэлт, борлуултыг багана 1, 3 –д биет хэмжээгээр, багана 2, 4 –т мөнгөн хэмжээгээр илэрхийлнэ.

Бүтээгдэхүүний үйлдвэрлэлийн хэмжээг үнийн дүнгээр гаргахдаа үйлдвэрлэгчийн үнээр, харин борлуулалтыг гаргахдаа худалдан авагчийн үнээр гаргана.

Бүтээгдэхүүний кодыг дараахь бүтээгдэхүүний нэр төрлөөс харж зохих мөрөнд бичнэ.

Код	Бүтээгдэхүүний нэр	Код	Бүтээгдэхүүний нэр
1101000	Чулуун нүүрс	1429041	Цагаан тугалганы хүдэр
1102000	Брикет, шахмал нүүрс	1429042	Цагаан тугалганы баяжмал
1103000	Хүрэн нүүрс	1429051	Хар тугалгын хүдэр
1105000	Хүлэр	1429052	Хар тугалгын баяжмал
1201000	Газрын тос	1429090	Бусад төрлийн хүдэр ба баяжмал
1202000	Байгалийн хий (хий болон шингэн)	1511000	Занар
1203000	Байгалийн битүм, шатдаг занар, тослог элс	1512010	Гантиг
1300000	Уран болон торийн хүдэр, тэдгээрийн баяжмал	1512020	Барилгын шохойжсон чулуу
1410000	Төмрийн хүдэр баяжмал	1513010	Боржин
1421010	Зэсийн хүдэр	1513020	Хөшөөний чулуу
1421020	Зэсийн баяжмал, металл агууллагаараа	1513030	Үерийн чулуу
1421030	Зэсийн баяжмал, 35%-ийн агуулгад шилжүүлснээр	1513090	Гантиг, барилгын шохойжсон бусад төрлийн чулуу
1422000	Никелийн хүдэр, баяжмал	1520020	Шохойн чулуу
1423000	Хөнгөн цагааны хүдэр, баяжмал	1531000	Байгалийн элс
1424010	Мөнгөний хүдэр	1532010	Буталмал чулуу
1424020	Мөнгөний баяжмал	1532020	Хайрга, шороо
1424040	Алт	1532030	Дайрга
1429011	Цайрын хүдэр	1533000	Байгалийн лав (битум), цардас (асфальт), цардас
1429012	Цайрын баяжмал	1540000	Шавар
1429021	Гянтболд/вольфрамын хүдэр	1612000	Хайлуулаагүй төмрийн пирит
1429022	Гянтболд/вольфрамын баяжмал	1619010	Хайлуур жонш
1429031	Молибдений хүдэр	1619020	Хайлуур жоншны баяжмал
1429032	Молибдений баяжмал, металл агуулгаараа	1620090	Давс
1429033	Молибдений баяжмал, 47%-ийн агуулгад шилжүүлснээр	1633000	Шохой болон гөлтгөнө (доломит)

3. Улсын төсөвт төлсөн албан татвар, төлбөр, хураамж, ногдол ашиг

Энэ хэсэгт зөвхөн улсын төсөвт төлсөн албан татвар, төлбөр, хураамж, ногдол ашгийг маягтад бичсэн төрөл ангиар ялган нягтлан бодохын мөнгөн суурьтай үнэлгээгээр гаргана.

3.1 Татвар

3.1.1 Аж ахуйн нэгжийн орлогын албан татвар. Аж ахуйн нэгжийн тухайн жилийн төлсөн татварыг бичнэ. Энэ татварт дараахь орлогоос төлсөн татвар орно. Үүнд:

- Ногдол ашгийн орлого,
- Эрхийн шимтгэлийн орлого,
- Хүүгийн орлого,
- Эрх борлуулсны орлого,
- Гадаадын аж ахуйн нэгжийн төлөөлөгчийн газар өөрт ногдох ашгаасаа гадаадад шилжүүлсэн ашиг,
- Монгол Улсад байрладаггүй албан татвар төлөгчийн Монгол Улсад бүртгүүлэн үйл ажиллагаа явуулж байгаа аж ахуйн нэгжээс авсан ногдол ашгийн орлого,
- Монгол Улсад байрладаггүй албан татвар төлөгчийн зээлийн хүүгийн болон батлан даалт гаргасны төлбөр,
- Монгол Улсад байрладаггүй албан татвар төлөгчийн эрхийн шимтгэлийн орлого, санхүүгийн түрээсийн хүүгийн орлого,
- Удирдлагын зардалд төлсөн төлбөр,
- Түрээсийн төлбөр,
- Биет болон биет бус хөрөнгө ашиглуулсны орлого,
- Монгол Улсад байрладаггүй албан татвар төлөгчийн Монгол Улсын нутаг дэвсгэр дээр борлуулсан бараа, гүйцэтгэсэн ажил, үзүүлсэн үйлчилгээний орлого зэрэгт ногдуулсан татварыг оруулан тооцож бичнэ.

Орлогын албан татварыг бусад татварын илүү төлөлтөөр суутгал хийсэн бол татварын суутгалын тооцоог тусад нь хавсаргана.

3.1.2 Гаалийн албан татвар. Зөвхөн гаалийн татварыг дангаар нь оруулна. Гаалийн татвартай хамт нэмэгдсэн өртгийн албан татвар төлсөн бол түүнийг гаалийн албан татварт оруулахгүй тусад нь салгаж, 3.1.3- т хамааруулна.

3.1.3-3.1.5-т заасан татварыг төлсөн бол зохих мөр, баганад тавина.

3.2 Төлбөр

3.2.1-3.2.4 Тухайн жилд улсын төсөвт төлсөн төлбөр нэг бүрээр гаргана.

3.2.5 Агаарын бохирдлын төлбөр гэж тухайн аж ахуйн нэгж өөрийн үйл ажиллагаадаа агаарын бохирдуулсанд төлсөн төлбөрийг ойлгоно. Зөвхөн нүүрс олборлодог компаниуд бөглөнө.

3.3 Яам, төрийн захиргааны байгууллагад төлсөн үйлчилгээний хураамж. Зохих хууль тогтоомжийн дагуу төлсөн хураамжийг зохих мөрөнд бөглөнө. Үүнд:

3.3.1 Гаалийн үйлчилгээний хураамж. Энд экспорт, импортын гаалийн бүрдүүлэлт хийсэн үйлчилгээний хураамжийг хамруулна.

3.4 Төрийн өмчийн ногдол ашиг. Төрийн өмчийн оролцоотой болон төрийн өмчийн аж ахуйн нэгжийн тухайн жилд төлсөн ногдол ашиг багтана. Энэ хэсэг нь төрийн болон орон нутгийн өмчийн оролцоогүй, төрийн байгууллагатай ногдол ашиг өгөх гэрээ хийгээгүй аж ахуйн нэгжид хамаарахгүй.

3.5 Засгийн газарт төлсөн урьдчилгаа ба бусад төлбөрүүд. Засгийн газарт төлсөн урьдчилгаа төлбөрүүд болон цөмийн энергийн тухай хуулийн дагуу Засгийн газарт ногдох орлогын дүнг бичнэ.

3.6 Бусад. Маягтын 3.5.1-д төлсөн бүх төрлийн торгууль, 3.6.2-д нөхөн төлбөрийг бичнэ.

3.6.3 Зарим бүтээгдэхүүний үнийн өсөлтийн албан татварын нөхөн төлбөр. Энд үнийн өсөлтийн алба татвар төлөөгүй өртэй аж ахуйн нэгж нөхөн төлсөн тохиолдолд бөглөнө.

Хэрэв татварын байгууллагад татвар хоорондын суутган хийсэн бол түүний талаарх тайлбарыг тайланд заавал хавсаргана.

4. Орон нутгийн төсөвт төлсөн албан татвар, төлбөр, хураамж, ногдол ашиг. Энэ хэсэгт зөвхөн орон нутгийн төсөвт төлсөн албан татвар, төлбөр, хураамж, ногдол ашгийг зохих нэр, ангилалын дагуу нөхнө. Хэрвээ орон нутгийн татварын байгууллагад татвар хоорондын суутган хийсэн бол түүний талаарх тайлбарыг тайланд заавал хавсаргана.

4.1 Орон нутгийн төсөвт төлсөн татварыг бөглөнө.

4.2 Төлбөр. Тухайн жилд орон нутгийн төсөвт төлсөн төлбөрийг маягтад заасан нэр төрөл бүрээр ангилан нөхнө.

4.3 Орон нутгийн төрийн өмчийн ногдол ашиг. Орон нутгийн төрийн өмчийн оролцоотой болон төрийн өмчит аж ахуйн нэгжээс тухайн жилд орон нутагт төлсөн ногдол ашгийг оруулна. Энэ хэсэг нь орон нутгийн өмчийн оролцоогүй, төрийн байгууллагатай ногдол ашиг өгөх гэрээ хийгээгүй аж ахуйн нэгжид хамаарахгүй.

4.4 Бусад. 4.4.1-д орон нутгийн төсөвт төлсөн бүх төрлийн торгууль, 4.4.2-д нөхөн төлбөрийг бичнэ.

4.4.3 Байгаль хамгаалах зардлын 50 хувь. "Ашигт малтмалын тухай" Монгол Улсын хуулийн 39.1.9-д заасны дагуу байгаль орчны асуудал хариуцсан төрийн захиргааны төв байгууллагаас нээсэн тусгай дансанд байгаль орчныг хамгаалах арга хэмжээг хэрэгжүүлэхэд шаардагдах тухайн жилийн зардлын 50 хувьтай тэнцэх хэмжээний мөнгөн хөрөнгийг байршуулсан дүнг бичнэ.

5. Төрийн байгууллагад өгсөн хандив, дэмжлэг

5.1. - 5.8 Аж ахуйн нэгж, байгууллагаас яам, агентлаг, аймаг, нийслэл, сум, дүүрэг, бусад төрийн байгууллагад янз бүрийн зорилгоор өгсөн мөнгөн ба мөнгөн бус хандив, дэмжлэгийг хэлнэ. Биет хэлбэр (мөнгөн бус)-ээр өгсөн хандив, дэмжлэгийг тухайн үеийн зах зээлийн дундаж үнээр үнэлнэ.

Тайлангийн энэ үзүүлэлтийг тусламж өгсөн, тусламж, дэмжлэг авсан аль аль тал нь гаргана. Тусламж өгсөн огноо, тусламж дэмжлэгийн агуулга, үнийн дүнг жагсаалтаар гарган, энэхүү тайланд хавсаргана. Хэрвээ биет материалын тусламж, үйлчилгээ үзүүлсэн бол түүний нэрийг бичиж хавсралтад мөнгөн дүнд шилжүүлэн бичнэ.

В. САЙН ДУРЫН МЭДЭЭЛЭЛ

6. Хураамж, үйлчилгээний хөлс

6.1-6.6-д Зохих хууль тогтоомжийн дагуу төлсөн хураамжийг энд бөглөнө.

6.7 Нутгийн захиргааны байгууллагад төлсөн үйлчилгээний хөлс. Зохих хууль тогтоомжийн дагуу аж ахуйн нэгжээс нутгийн захиргааны байгууллагад тухайн жилд төлсөн хураамж, үйлчилгээний хөлсийг орон нутгийн төсөвт төлсөн тэмдэгтийн хураамж, нутгийн захиргааны байгууллагад төлсөн үйлчилгээний хөлс гэж салган зохих мөрөнд нөхнө.

6.8 Яам, төрийн захиргааны байгууллагад төлсөн тэмдэгтийн хураамжид дараахь төлбөрийг бичнэ. Үүнд:

- Тээврийн болон өөрөө явагч хэрэгслийг бүртгэх, жолоодох зөвшөөрлийн хураамж,
- Аж ахуйн нэгж, байгууллагын бүртгэлийн хураамж,
- Гадаадын хөрөнгө оруулалттай аж ахуйн нэгж байгуулах зөвшөөрлийн хураамж,
- Тусгай зөвшөөрөл шаардагдах үйлдвэрлэл, үйлчилгээний зөвшөөрлийн хураамж,
- Үл хөдлөх эд хөрөнгийн бүртгэлийн хураамж,
- Замын цагдаагийн газарт төлсөн үнэмлэхийн хураамж, үзлэгийн хураамж,
- Шүүхийн шийдвэр гүйцэтгэлийн албанд төлсөн тэмдэгтийн хураамж,
- Улсын нийгмийн даатгалын ерөнхий газарт төлсөн лавлагаа гаргуулсаны хураамж.

6.9 Яам, төрийн захиргааны байгууллагад төлсөн үйлчилгээний хөлсөнд дараахь төлбөрийг хамааруулна. Үүнд:

- Тусгай зөвшөөрөл авах, шилжүүлэх, барьцаалах, сунгуулах, талбайг буцаан хүлээлгэн өгөх, хилийн маргааныг шийдвэрлэх, үрэгдүүлсэн тусгай зөвшөөрлийг нөхөн олгох зэрэг үед өргөдлийг хянан үзэх үйл ажиллагааны үйлчилгээний хөлс,
- Холбогдох байгууллагад жин баталгаажуулалтын хөлс, хэмжилтийн хөлс,
- Хөдөлмөр, халамж үйлчилгээний газар болон гадаад иргэдийг олон удаа орох гарах визний хуудас, үйлчилгээний хөлс, оршин суух зөвшөөрөл, тодорхойлолтын үнэ, хөдөлмөр эрхлэлтийн урилга,
- Ашигт малтмалын газарт лицензийн үйлчилгээний төлбөр, бүртгэлийн төлбөр, тайлангийн үйлчилгээ, геологийн багц мэдээллийн хөлс, талбайн захиалгын захиргааны хөлс, лиценз худалдан авах үйлчилгээний хөлс, тайлан хянуулах хөлс,
- Байгаль орчин, аялал жуучлалын яаманд тусгай зөвшөөрлийн хөлс,
- Усны хэмнэлтийн төвд төлсөн үйлчилгээний хөлс,
- Сорьцын албанд сорьцын шинжилгээний зардал
- Стандарт хэмжил зүйн төвд нарийн хэмжүүрийн хөлс, стандартын үйлчилгээний хөлс,
- Татварын албанд зөвшөөрлийн хөлс зэрэг болно.

6.10 Гадаадын ажиллах хүч, мэргэжилтний төлсөн үйлчилгээний хураамжийг бичнэ.

7. Төлбөр. Тухайн жилд ойгоос хэрэглээний мод, түлээ бэлтгэж, ашигласны төлбөрийг нөхнө.

8. Бусад зардал

- 8.1 Тухайн аж ахуйн нэгж тусгай гэрээ, тодорхой нөхцөлөөр хөнгөлүүлсэн, чөлөөлсөн татвар
- 8.2 Хөрөнгө оруулалтын зардал
- 8.3 Ажиллагчдын сургалт, хөгжилд зарцуулсан зардал
- 8.4 Геологи, хайгуулын зардал
- 8.5 Байгаль хамгаалах үйл ажиллагаанд зарцуулсан зардлын дүнг тухайн жилд байгаль хамгаалах үйл ажиллагаанд зарцуулсан нийт зардал
- 8.6 Гамшгаас хамгаалахад зориулсан зардал (Гамшгаас хамгаалах тухай хуулийн 27 дугаар зүйлийн дагуу).

9. Хандив, дэмжлэг

- 9.1 Төрийн бус байгууллагад өгсөн мөнгөн хандив, дэмжлэг
- 9.2 Төрийн бус байгууллагад өгсөн мөнгөн бус хандив, дэмжлэг
- 9.3 Бусад аж ахуйн нэгж, байгууллагад өгсөн мөнгөн хандив, дэмжлэг
- 9.4 Бусад аж ахуйн нэгж, байгууллагад өгсөн мөнгөн бус хандив, дэмжлэг
- 9.5 Иргэдэд өгсөн мөнгөн дэмжлэг
- 9.6 Иргэдэд өгсөн мөнгөн бус дэмжлэг

Аж ахуйн нэгж энэ тайлангаа гарган аудиторoor баталгаажуулан, дараахь тодорхойлолтыг хүлээн зөвшөөрсөн байна. Үүнд:

“Тус компанийн энэхүү тайлан “нягтлан бодох бүртгэлийн мөнгөн суурь зарчмын дагуу боловсруулагдсан бөгөөд 20... оны санхүүгийн жилийн нэгдсэн тайлан Монгол Улсын “Нягтлан бодох бүртгэлийн тухай” 2001 оны хуулийн 10.1- д зааснаар Санхүүгийн тайлагналын олон улсын стандартын дагуу хийгдсэн болно. Тус компанийн санхүүгийн нэгдсэн тайланг баталгаажуулсан аудитын байгууллагын дүгнэлтийг хавсаргав.

Аж ахуйн нэгжийн зохих албан тушаалтны нэр, гарын үсэг, огноо зэргийг бичиж тамга дарна.

**Монголын олборлох үйлдвэрлэлийн ил тод байдлын
санаачлагын ажлын алба**

Утас: (976)-70110525

Факс: (976)-70110155

- о о о -